

1044.

(1461) Mai 27

Vereinbarung zwischen Hans Federangel und Hans Scherrer, einen Streit um einen Hauskauf beizulegen.

fol. 196r Actum quarta feria post penthekosten haben Kûrstan Rothe und Paul Neffe bekanth, daz sy mit andern biderwer luthen czwischen Hans Fedirangil an eynem und Hans Scherrer uff dy andern seiten in fruntlichin teidigen gewest sint von wegen des irthums, so sy mit eynandir kauffis und bezalung weyn des huszis haben, daz Fedirangil widir Scherrer und syne stifkinder gekaufft hat, sulchis irthums wir sy uff dem gutlichen tage nicht haben mogen entrichten, wenne Hans Scherrer vil fremdir weg und sachin vorgenommen hat und dy sich usz dem anlasz vorubir den kauff des huszis gegeben nicht geczogen haben. Also hat sich Fedirangil synir sachen irbothen mechtiglich nach lute des anlasz sunlich addir rechtlich uff vier bidirman, ir beidir frunde, mochten sy dy nicht gescheiden uff uns den rath der genanten stad Czwigkau, ab er daz abir abslahen wolde, syne sachin schriftlich czu machen und do daz recht veil ist, rechtlich mit om laszen scheiden und dem gancz nach czu komen, waz in rechte irkanth worde, daz Hans Scherrer allis in synem mutwillen vorschlagen hat und keyns nicht hat wollen eyngehen. Und sint von sulchem gutlichen tage an ande geschiden. Also ist durch uns Kirstan Rothen, Paul Neffen und dy andern teidingeslute eyn andir fruntlicher tag gemacht, doreyn sy beide gewillit haben, des Fedirangil abir gewart hat, abir Hans Scherrer ist uszin bliben und czu der stad uszgegangen etc.

1045.

1461 Mai 28

Die Gebrüder Lasan verkaufen einen Hof.

fol. 196r Lorencz, Urban und Ludewig Lasan, gebrudere, und frauw N., ire rechte naturliche muter, haben bekanth, daz sy meister Nickel Clugin vorkaufft haben dy hoffereit, czwischin Roszinlechir und Huszman gelegen, mit allir gerechtikeit, also sy dy besessin und in lehin gehabt haben, daz Lobinsteyn, ir eewirt, mit on so vorwillit hat. Der behuszung und hoffreit sich dy genantin brudir und ire muter vor gerichte vorczihin, dy voit und schephen Nickel Clugin czu eynem rechten erbe gelihin haben mit allen rechten, also sy dy ynne gehabt und gebrucht haben. So hat òn Nickel Cluge auch gereth und gelobit, dy uff tagzeit, also daz vorlig kauft ist, gutlichen czu bezalen. Vordir haben dy genanten drey Lasan gereth vor eyne were vor ir czwene brudere er^{a)} Johannes und Jacoff Lasan,^{b)} dy uszin landis sint, daz er von selben irin brudirn noch von nymande sal von sulchir behuszung weyn